

24. april 2022

Inatsisartut aalajangiiffigisassaattut siunnersuut Naalakkersuisut peqquneqassasut akileraartarnermi aqqissuusseqqinnissamut siunnersuuteqassasut, akileraartarnermut ingerlatsineq ajornannginnerusoq, Kalaallit Nunaanni akileraarut ataatsimoortumik apparluni aammalu aningaasarsianut akileraarutit appartinneri ilaliullugu. Siunnersuut UPA 2023-mut saqqummersussanngorlugu suliarineqassaaq.

(Inatsisartunut ilaasortaq Jens-Frederik Nielsen, Demokraatit)

Aallarniutaasumik inatsisartunut ilaasortap, Jens-Frederik Nielsenip, siunnersuutaanut aalajangiiffigisassamut qujanarusuppugut.

Siumumit oqaatigiumasavut matumuuna saqqummiutissavagut:

Aallarniutigalugu pingaartutut isigaarput, Naalakkersuisumit ilanngullugu nalunaarutigineqassammat, - innuttaasut, ingerlatseqatigiiffiillu ataavartumik ilisimatinneqartassammata, aamma nunarsuarmioqatigiinni qaleriittumik akileraartarneq pillugu isumaqatigiissutit naapertorlugit naleqqussaasoqarpat iluarinassammat, tamatumani pingaarnerusumik innuttaasut atugarissaarnissaat qulakkeerniarlugu aammalu naapertuuttumik isumannaatsumillu akileraarusiisarneq anguniaqqullugu.

Siumumit nunatsinni akileraartarnermut atuutsinneqartut pillugit ingerlaavartumik oqaloqatigiittuarnissarput pingaartinneqarpoq, tamakkuami sakkugalugit tamatta atugarissaarnikkut aqqissugaalluarnissarput tassuuna perusussuseqalersarmat, aningaasanillu agguataarilluarnikkullu anguneqarsinnaammat.

Siumumit isumaqarpugut akileraartarnermut aqqissuusseqqinnerit suliarilluakkat pisartut, soqutigisaqatigiit innuttaasullu qanimut oqaloqatigilluarlugit ingerlanneqaraangata, taamaaliornikkut sakkugissaarnerussagatta, inuiaqatigiinni aningaasaqarnikkut ajunngitsumik ingerlaniartilluta. Taamaattoq aamma pingaaruteqarpoq, inuiaqatigiittut isigalugu akileraaruteqartarnikkut sukkasuumik aqqissuusseqqinnissaq pisariaqartartoq, taamaalilluni inuiaqatigiinni piumasarineqartunut avataaniillu sunniutaasunut naleqqussarnissaq pilertornerusinnaammat.

Akileraartarnermut aqqissuusseqqinnerit annerusumik minnerusumilluunniit inuiaqatigiinnut paasisimasaqarnermik tunngaveqarluartariaqarpoq, aamma oqallinnermik ammanermillu ilaqartariaqarluni.



Oqaloqatigiinnissami Siumup nuannersutut isigivaa akileraartarnermut aaqqissuusseqqinnermi Inatsisartuniit sorpiaat nutartertariaqartutut isigineripput, tamakkuummata piffissami qaninnerusumi ungasinnerusumilu Naalackersuisunut isumalersuilluta tunniussinnaasavut.

Naalackersuisut siunnersuutaat Siumumit tapersorparput, tamatumuuna ilanngullugu innuttaasut peqataatinneqarnissaat, akileraarusiisarnermi pisariunnginnerusumik aaqqissuusseqqinneq anguniassallugu, - kiisalu akileraarusiisarnikkut pisussat sukkanerusumik pitsaanerusumillu suliarineqartarnissaat, aamma nunatsinni atugarissaarnerunissamik kinguneqarnissaat ilanngullugit qulakkeerneqarsinnaammata.

Kuno Fencker, Siumut